



Allakkiaq Notat

Nunatsinni naartuersittartut

Ulloq/Brevdato: 30-10-2018
Suliap/Sags nr. 2018 - 21172
All./Dok. nr. 8984363

Postboks 120
3900 Nuuk
Tlf. (+299) 34 51 92
Fax (+299) 32 51 30
E-mail: nun@nanoq.gl
www.nanoq.gl

Naartuersittut ukiut kingulliit qulit ingerlanerini amerlassutsimikkut nikaralaarput (Takussutissiaq1). naartuersittut katillutik 883-iusut kisitsisit nutaanerpaat 2017-imeersut takutippaat.

Ataatsimut isigalugit naartuersittut agguaqatigiissillugit amerlassutsimikkut 2008-imiit allanngungaarsimangillat (Takussutissiaq 2).

2017-imi naartuersittut agguaqatigiissillugit amerlassusaat, arnat 15-it 49-illu akornanni ukiullit 1000-iuppata 67,5 iupput, 2008-miit 2017-imut naartuersittut agguaqatigiissillugit amerlassusaat takussutissiami 2-mi takutinneqarpoq, 2013-imiit 2017-imut naartuersittut agguaqatigiissillugit amerlassusaat tabelimi 1-imi takuneqarsinnaavoq.

2017-imissaaq arnani 18-it 19-illu akornanni ukiulinni kiisalu 20-it 24-illu akornanni ukiulinni naartuersittut agguaqatigiissillugit amerlassusaat qaffasinnerpaajupput (Tabeli 1). Tamanna titartaganngorlugu takussutissiami 3-mi aamma takutinneqarpoq.

Naartuersittut amerlassusaasa peqqinnissaqarfiup immikkoortuinut agguataarneqarnerat tabelimi 2-mi takutinneqarpoq. Sulisoqarniarneq tunngavigalugu Peqqinnissaqarfiup immikkoortuisa ilaanni naartuersinnerit ilaatigut immikkoortumi allami ingerlanneqartariaqartarnerat, immikkoortumi naartuersittartut agguaqatigiissillugit amerlassusaannut sunniuteqarsinnaavoq. Tamatuma saniatigut ukiuni kingullerni suliaritinnani nakorsaalli atorlugu naartuersissinnaaneq periarfissaasimavoq, tamanna peqqissaavinni minnerni naartuersittartut amerleqqinnerannut sunniuteqarsimasinnaavoq.


Naartunermi sap. ak. killiffik aallaavigalugu naartuersittunut agguataarineq tabelimi 3-mi takutinneqarpoq. Naartuersittut amerlanersaat 2017-imi naartulernermit sap. ak. arfineq aappassaanni (25,1 %) arfineq pingajussaannilu (23,2 %) naartuersipput. Assersuutitut 2008-mi naartuersittut amerlanersaat naartulernermit sap.ak. arfineq pingajussaanni (30,5 %) qulaaluassaannilu (19,6 %) naartuersipput. 2008-mi 2017-imilu naartuersittutut nalunaarutigisat agguataarneqarnerisa nikingassutaat takussutissiami 4-mi aamma takuneqarsinnaavoq.

2017-imi 2008-milu naartuersittutut nalunaarutigisat akornanni 2017-imi 0,1% 2008-milu 3,6% naartulernermit sap. ak. qassissaanni naartuersissimanerat ilisimatitsissutaasimangilaq. Sap. ak. qassissaanni naartuersittutut nalunaarutigineqanngitsut akornanni siusissukkut kingusissukkulluunniit


naartuuisoqarsimasinnaaneraniq ilimatsannissaq tunngavissaqanngilaq. 2008-miit 2017-imut sap. ak. 13-issaanni kingusinnerusukkullu naartuersittutut nalunaarutigineqartut akornanni 2011-imi ikinnerpaajullutik 0,8 %-iupput 2016-imi 2017-imilu amerlanerpaajullutik 2016-imi 2,8%-iupput 2017-imilu 1,8 %-iullutik.

Sap. ak. aqqaneq aappasaa qaangiutereersoq naartuersinnerit, nakorsamit inunnillu isumaginnittoqarfimmit paasissutissaniq, isumasioqatigiinnermit inunnit pingasunit taakkunannga peqqinnissamut tunngatillugu ilinniagalinnit marlunnit inunnillu isumaginninnermut tunngatillugu ilinniagalimmit ataatsimit peqataaffigineqartumit tunngaveqartumik akuersissutaanissamik, piumasaaqatitaqarput. Tamanna naartuersittarneq pillugu inatsit ilaatigut uani atuarneqarsinnaasoq: www.nun.gl naapertorlugu maleruagassaniq tunngaveqarpoq. Isumasioqatigiissitat aalajangiinerini naartuersinnerinillu nalunaaruteqarnermi immersugassaniq, sulianut oqilisaataasinnaasunik Nunatsinni Nakorsaaneqarfik qanittumi nassiussiniarportaaq.

Tabelit titartaganngorlugillu takussutissiat:



Takussutissiaq 1. Naartuersinnerit nalunaarutigineqartut ukioqatigiiaanut agguataarneqarnerat.




Takussutissiaq 2. Arnat 15-iniit 49-inut ukiullit 1000-iuppata naartuersittartut tamarmik agguaqatigiissillugit amerlassusaat.

**Tabeli 1.
Naartuersittutut nalunaarutigineqartut agguaqatigiissillugit amerlassusaat ukioqatigiaanut agguataarlugit**

Ukiui	Amerlassusaat					Arnat ukioqatigiiat 1.000-iuppata naartuersittut agguaqatigiissillugit amerlassusaat				
	2013	2014	2015	2016	2017	2013	2014	2015	2016	2017
12-13	2	2	0	0	0	2,5	2,5	0,0	0,0	0,0
14-15	26	28	21	24	25	31,0	35,0	26,8	31,2	30,8
16-17	81	75	72	66	57	103,4	96,4	94,7	94,8	84,1
18-19	101	99	98	116	103	112,6	112,2	116,3	135,7	126,7
20-24	270	271	250	241	280	117,3	120,7	113,8	114,0	133,3
25-29	220	196	221	218	214	108,3	93,2	101,7	98,2	95,7
30-34	108	116	136	115	118	59,1	61,0	70,3	58,4	60,0
35-39	45	51	50	60	61	31,7	35,5	33,7	39,0	37,0
40-44	20	21	15	14	24	11,0	13,2	10,5	10,2	17,9
45-49	0	1	1	1	1	0,0	0,4	0,4	0,5	0,5
Katillugit	873	860	864	855	883	62,3*	62,2*	63,8*	64,4*	67,5*

*15-iniit 49-inut ukiullit



Takussutissiaq 3.

Tabeli 2.
Naartuersinnerit nalunaarutigineqartut taakkunungalu atatillugit naartuersittut agguaqatigiissillugit amerlassusaat qitiusumik napparsimmavinnut/peqqissaavinnut agguataarlugit.


Qitiusumi napparsimmavik/peqqissaavik	Amerlassusaat		Naartuersittut agguaqatigiissillugit amerlassusaat *		Qitiusumi napparsimmavik/peqqissaavik	Amerlassusaat		Naartuersittut agguaqatigiissillugit amerlassusaat *	
	2016	2017	2016	2017		2016	2017	2016	2017
Nanortalik	9	17	25,9	50,1	Ilulissat	71	89	59,5	76,0
Qaqortoq	91	94	119,9	123,5	Qeqertarsuaq	0	0	0,0	0,0
Narsaq	15	21	47,2	64,2	Uummannaq	15	12	30,1	23,4
Paamiut	17	34	54,8	113,7	Upernavik	17	45	26,9	70,9
Nuuk	343	298	76,6	66,2	Qaanaaq	15	10	94,3	64,9
Maniitsoq	36	51	54,2	79,6	Tasiilaq	48	35	65,0	50,5
Sisimiut	95	96	62,0	65,9	Ittoqqortoormiit	4	6	48,8	75,0
Aasiaat	79	75	72,1	70,6	Katillugit	855	883	64,4	67,5
Qasigiannugit	0	0	0,0	0,0					

* Amat 15-iniit 49-inut ukiullit 1.000-iuppata naartuersittut agguaqatigiissillugit amerlassusaat

Tabeli 3.
Naartuersinnerit nalunaarutigisat naartulernermit sap. ak. amerlassusaannut ukiunullu agguataarneqarnerat

Sap. ak.\ukioq	2008	2009	2010	2011	2012	2013	2014	2015	2016	2017
1	0	0	0	0	0	1	0	0	0	0
2	0	1	3	0	0	0	0	0	1	1
3	1	0	0	0	0	0	1	0	1	0
4	2	5	1	1	1	1	4	2	4	4
5	16	24	20	16	22	8	17	16	36	33
6	74	55	76	64	53	58	62	81	108	119
7	130	133	153	133	124	188	183	150	204	222
8	274	223	233	198	222	229	225	230	206	205
9	176	150	155	148	159	154	144	158	123	132
10	109	103	119	94	107	84	101	126	75	81
11	48	63	47	47	55	70	65	69	46	49
12	28	19	20	26	18	25	27	23	26	20
13	1	2	3	0	2	3	6	3	11	6
14	3	3	1	2	3	7	3	1	6	6
15	1	1	4	1	0	0	2	4	2	2
16	3	2	1	2	1	0	1	0	3	1
17	0	0	1	0	1	0	1	0	0	0
18	0	0	0	1	1	0	0	0	2	0
19	0	0	0	0	1	0	0	0	0	1
20	1	0	0	0	0	1	0	0	0	0
Katillugit	867	784	837	733	770	829	842	863	854	882

Nassuaat: annertussutimi allangorartisisumi naartulernermit sap. ak. qassisaannut tunngatillugu paasisutissat amigaataanerat pissutaalluni, tabelimi uani ukiuni ataasiakkaani naartuersinnerit tamakkerlugit amerlassusaannut sanilliullugit, katinneri assigiinngissuteqarsinnaapput.



Takussutissiaq 4. 2008-mi 2017-imilu naartuersinnermi naartulernermit sap. ak. qassiunerannik nalunaarutigisat agguataarneqarnerat